

宋元學案補遺

〔清〕王梓材

宋元學

〔清〕王梓材 編撰
馮雲濠
梁芝盈 點校
梁運華

中華書局

宋元學案補遺卷六十五目錄

木鐘學案補遺

潛室先緒……………三五八三

補陳先生煜……………三五八三

朱葉門人……………三五八三

補陳先生埴……………三五八三

潛室學侶……………三五八五

陳先生增……………三五八五

陳先生止善合傳……………三五八五

潛室講友……………三五八五

趙先生善湘……………三五八五

晦翁門人……………三五八七

補葉先生味道……………三五八七

文修講友……………三五八九

張先生洽詳見滄洲諸儒學案……………三五八九

潛室門人……………三五八九

補翁先生敏之……………三五八九

補董先生楷……………三五九〇

蔣先生世珍……………三五九一

趙氏家學……………三五九一

趙先生汝楫……………三五九一

西山家學……………三五九二

葉先生任道……………三五九二

補葉先生采……………三五九三

西山門人……………三五九四

補繆先生主一……………三五九四

補王先生夢松……………三五九五

厲先生文翁……………三五九五

胡先生升……………三五九五

胡氏先緒	三五六	石塘同調	三六〇一
補胡先生巖起	三五六	吾先生衍	三六〇一
車氏家學	三五六	鄭氏門人	三六〇二
補車先生若綰	三五六	車先生璿 詳見車氏家學	三六〇二
補車先生惟賢	三五七	張先生德亨	三六〇二
雙峯家學	三五八	嚴氏門人	三六〇二
車先生漳孫	三五八	黃先生廷玉	三六〇二
雙峯門人	三五八	石塘門人	三六〇二
鄭先生□	三五八	補陳先生剛	三六〇二
賈氏門人	三五八	柳先生貫 詳見北山四先生學案	三六〇三
補嚴先生侶	三五八	別附	三六〇三
余氏門人	三五九	曇噩	三六〇三
補胡先生長孺	三五九	吾氏門人	三六〇三
石塘學侶	三六〇一	劉先生天祐	三六〇三
胡先生之綱	三六〇一	朱學之餘	三六〇四
胡先生之純 合傳	三六〇一	補史先生伯璿	三六〇四

史氏同調……………三六〇五

鄭先生如圭……………三六〇五

潛齋門人……………三六〇五

補林先生溫……………三六〇五

章氏門人……………三六〇六

補趙先生次誠……………三六〇六

史氏門人……………三六〇六

補徐先生宗實……………三六〇六

徐先生森……………三六〇六

蔣氏門人……………三六〇七

王先生全……………三六〇七

靜齋門人……………三六〇七

胡先生觀……………三六〇七

橫陽門人……………三六〇七

補張先生文選……………三六〇七

宋元學案補遺卷六十五

後學 鄧 王梓材
慈谿馮雲濠 同輯

木鐘學案補遺

潛室先緒

補 陳先生煜

梓材謹案。嘉靖浙江通志稱。先生工屬文。善持論。爲葉水心所推重。

朱葉門人

補 通直陳潛室先生埴

潛室經說

田里之里以方計。卽井方一里是也。道里之里以裏計。如二十五家爲一里之類是也。

古者。公卿大夫士之子弟。以及萬民之子弟。生八歲而入小學。教之以幼儀。十五歲而入大學。教之以成人之事。此大小學之所由建也。其謂之國學者。卽大小學之立於國中。以教公卿大夫士之子弟者也。其謂之鄉學者。卽大小學之立於鄉遂。以教萬民之子弟者也。

一族之中。大宗只是一人。小宗儘多。故一人之身。從下數至始祖。大宗惟一。數至高祖。小宗則四。此古者宗族人情相親。人倫不亂。由大宗小宗之法而然。以上禮記。

王制惟大國三卿命於天子。次國則二卿有命於天子。一卿有命於其君者。小國二卿皆命於其君者。蓋典命止言命數。未言人數。如齊晉皆侯爵。爲次國。管仲不敢當天子命卿之禮。曰。有天子之二守國高在。晉使鞏朔獻捷於周。周人讓之曰。不使命卿鎮撫王室。而鞏伯實來。未有職司於王室。則齊晉皆有不命之卿。或以記所稱爲夏殷之制。非也。周禮。

木鐘集

馬遷史記不專爲漢史。乃歷代之史。故其記漢事略於漢書。而紀武帝事獨詳。若封禪平準二書。雖謂之南史家風可也。

問。太史公作史記。上自唐虞。而八書之作。只言漢事。班孟堅作漢史。合記漢一代事。而乃作古今人表。何耶。曰。八書未必皆言漢事。獨平準書專言武帝。其贊却說古今。漢志雖爲一代作。然皆自古初述起。獨古今志專說古而不說今。自悖其名。先輩嘗譏之。中閒科等分別人物。又煞有可議。此卻班史之贊畫蛇添足。

應舉求合程度。此乃道理當爾。乃若不合程度。而萌僥倖之心。不守尺寸。而起冒爲之念。此則妄矣。應舉何害義理。但克去此妄念。方是真實舉子。

梓材謹案。四庫全書著錄木鐘集十一卷。提要云。是編雖以集爲名。而實則所作語錄。凡論語一卷。孟子一卷。六經總論一卷。周易一卷。尚書一卷。毛詩一卷。周禮一卷。禮記一卷。春秋一卷。近思雜問一卷。史一卷。其說大學中庸列禮記之中。蓋其時四書章句集注雖成。猶私家之書。未懸於國學之功令。故仍從古本。史論惟及漢唐。則伊洛之傳不以史學爲重。偶然及之。非專門也。

附錄

黃東發讀晦庵文集曰。答陳器之公之爲仁。猶言去其壅塞則水自流通。然便謂無壅塞者爲水則不可。

梓材謹案。朱子所答又一書。蓋答其問玉山講義甚詳。卽木鐘集所載四端說也。已見本學案。

潛室學侶

陳先生增

陳先生止善

合傳。

陳增。潛室之兄。而止善其弟也。與潛室並登進士第。時人號所居爲桂森坊。姓譜。

潛室講友

趙濮園先生善湘

趙善湘字清臣。鄞縣人。宋宗室。慶元初進士。累官資政殿大學士。封天水郡公。後爲沿海

制置使兼知慶元府。卒。贈少師。所著有周易說約。春秋二傳通議等書。及書詞共百餘卷。姓譜。

雲濠謹案。寧波府志載先生知鎮江府。歷官至煥章閣直學士。以李全犯淮東。遷煥文閣學士江淮制置使。及戮全。進兵部尚書。

梓材謹案。宋史本傳。先生爲濮安懿王五世孫。所著有周易說約八卷。周易或問四卷。周易續問八卷。周易指要四卷。學易補遺六卷。洪範統論一卷。中庸說約一卷。大學解十篇。論語大意十卷。孟子解十四卷。春秋三傳通義三十卷。又案。先生號濮園。見經義考引張萱說。

洪範統一自序

洪範九疇。聖人經世之大法。太極渾然之先。其道已具。三才既判之後。天畀之聖人。而實任彝倫攸敘之責。行乎古今。不可泯沒。天地由之而萬化顯其用。聖人以之而斯民獲其所。非區區操天下者所能與也。由五行至五紀。安行乎皇極者也。由三德至福極。輔成乎皇極者也。皇極居於五。主張綱維是者也。疇惟有九。其統則一。自漢世儒者爲災異之說。乃以五行五事皇極庶徵福極五者合而求災異之應。而於八政五紀三德稽疑四者離不相屬。其後爲史又皆祖述漢儒。獨歐陽唐史紀災異而不言事應。眉山之學亦以福極於五福不相通。悉歸於皇極之建不建。嗚呼。洪範九疇果可以意離合之乎。

河出圖。洛出書。而八卦九疇以數示人。八卦虛中之數也。九疇建極之數也。其道一也。何

以言八卦莫位而包皇極於內。皇極居中而運八卦於外。此八卦九章相爲表裏也。道不虛行。待人而後行。天不以道畀聖人。則八卦可以無九疇。天不能不以道畀聖人。則八卦無九疇何以顯其用。故聖人建極。而天地之化成矣。託數以喻道。天實闡其秘。論道而遺其數。後世儒者晦之也。或曰。易之八卦未嘗不自爲用。而何待乎洪範皇極之建。曰。八卦。伏羲氏之卦也。卦有八。而伏羲氏畫之。卽洪範之建極也。文王重而爲六十四。孔子繫之而十翼備。皆是道也。洛書未出。則九疇之道默用於聖人之經世。九疇既著。則洪範之書遂爲經世之大用。易與洪範。固無二本也。

雲濠謹案。四庫全書本永樂大典著錄洪範統一一卷。提要云。書成於開禧時。宋史謂之洪範統論。文淵閣書目又作統紀。今據趙氏謂漢儒解傳祇以五事庶徵爲五行之驗。而五行八政謂疇散而不知所統。徵引事應。語多傳會。因采歐陽氏唐志。蘇氏洪範圖論遺意。定皇極爲九疇之統。每疇之中。如五行則貌言視聽皆統於思。得其統而九疇可一以貫之矣云云。則永樂大典題曰洪範統一。爲名實相應矣。又考朱子與陸氏論皇極之義。往復辨難。各持一說。此書以大中釋皇極。本諸注疏。與陸氏合。復謂九疇皆運於君心。發爲至治。又合於朱子建極之旨。蓋能通懷彼我。兼取兩家之說者云。

晦翁門人

補文修葉西山先生味道

雲濠謹案。經義考引戴氏說云。一統志温州有葉味道。處州有葉賀孫。皆朱子門人。而事業微有不同。蓋本一人。誤析而爲二也。聞書云。其先括蒼人。居建陽之後山。

梓材謹案。先生號西山。見其門人繆天一傳。儒林宗派於朱門又別載葉賀新。號西山。龍泉人。賀新蓋卽先生原名賀孫。

之謫。又有作賀深者。不可解也。又案。錢文子主東陽郭氏高塘庵講席。後體陵因屬先生續主其教。

附錄

既下第後。從朱子於武夷山中。

遷宗學諭。輪對。言人主之務學。天下之福也。必堅志氣以守所學。謹幾微以驗所學。正綱常以勵所學。用忠言以充所學。至口奏。則述帝王傳心之要。與四代作歌作銘之旨。從臣薦其可爲講官。乃授太學博士兼崇政殿說書。故事說書之職止於通鑑。而不及經。先生請先說論語。詔從之。

先生所陳。無一言不開陳引導。求切於君身。旁引折旋。惟致於治道。

朱子語類曰。賀孫請問。語聲低得。低。先生不聞。因云。公仙鄉人。何故聲氣都恁地說得箇起頭。後面懶將去。子夏曰。聽其言也厲。公只管恁地下梢不好。見道理不分明。將漸入於幽暗。含含糊胡。不能到得正大光明之地。說話須是一字是一字。一句是一句。便要見得是非。

黃勉齋復先生書曰。語錄事承見諭。然亦有一說。且如語錄中所載與四書不同者。便徑削去。則朱先生所集程先生語錄。胡爲兩說不同。而亦皆采取耶。天下義理正未可如此看也。雖朱先生

不敢以自安。而學者乃欲率然如此。何耶。朱先生一部論語直解到死。自今觀之。亦覺有未安處。且如不亦君子乎一句。乃是第一段。幾番改過。今觀程子云。不見是而無悶。乃所謂君子是不愠然後君子也。朱先生云。故惟成德者能之。則是君子然後不愠。以悅樂兩句例之。則須是加程子之說。方爲穩當。敏於事而慎於言。朱先生云。敏於事者。勉其所未。慎於言者。不敢盡其所。有餘。此用中庸有餘不敢盡之語。然所謂慎者。非以其有餘而慎之也。慎字本無不敢盡之意。事難行故當勉之。易肆故當慎耳。人而無信一章。其何以行之哉。何以之以。便當用其何以觀例。志道據德依仁。不當作次第說。若作次第說。則游藝有所不通。且有志道者未能據德。據德者未能依仁之病。道者。亘古今。塞天地。人所共由。志者存之而不忘德。則行道而有得於身。隨其所得。守之而不失。仁者心之全體。德由此立。道由此行。故當依之而不違。三者皆人所不可須臾離。若藝則游之而已。此一段乃近見一朋友語錄中所載。又豈可以其與四書不合而削之乎。義理無窮。正可憂。正可懼。不可執一說而遂以爲安也。

文修講友

直閣張主一先生洽

詳見滄洲諸儒學案。

潛室門人

補祇候翁先生敏之

附錄

所居故有鄉校。久廢。先生倡而新之。扁曰圖南書院。聚族里子弟教學其中。未幾。與從弟巖壽俱以禮經擢進士。魁太學。與鸚薦者十餘人。

調婺州及平江塘頭安吉軍庫。婺人乏食。先生勸商平糶。郡以無饑。塘頭近言偃舊宅。先生詣祠下。推明學道愛民之旨。士民風動。

除閤門祇候。將朝參。喟然曰。曉漏穿花。安得似園林閒散之樂。遂不復仕。

補吏部董克齋先生楷

周易傳義附錄凡例

程子易傳依王弼次序。而朱子則用古易次序。以彖傳大小象文言各自爲卷。今不敢離析程傳。又不能盡失朱夫子之意。於是倣節齋蔡氏例。以彖傳大小象文言各下經文一字。使不與正經紊亂。而程傳及朱子本義又下一字。程子朱子附錄又下一字。則其序秩然矣。

梓材謹案。四庫書目著錄先生周易傳義附錄十四卷。提要稱其學出於陳器之。器之出於朱子。故其說易。惟以洛閩爲宗。又案。王阮亭居易錄。明永樂間。胡廣等奉詔撰五經大全。皆鈔錄前人成書。竄易其名。易則董楷董鼎董真卿。詩則劉瑾。書則陳櫟。春秋則汪克寬李太宰默續孤樹哀談曾言之。則先生之易。固當時所推重云。

教授蔣先生世珍

蔣世珍字君聘。縉雲人。嘗從陳潛室遊。開慶元年進士。官從仕郎。歷鎮江建德温州教授。學者宗之。浙江通志。

趙氏家學

趙先生汝楫

趙汝楫。善湘子。爲宰相壻。卑退自修。精易象。有易敘叢書可傳。官至戶部侍郎。晚歲以理財進用。失士譽。清容居士集。

易敘叢書自序

汝楫齒耄學荒。何敢言易。獨念先君子自始至末於易凡六稟。月進日益。末稟題曰補過。汝楫得於口授者居多。外除以來。踰二十載。因輯所聞於篇。庶不忘先君子之教。且以觀吾過云。周易輯聞序。

程子論爲學之言曰。昔之害乘其迷暗。今之害因其高明。自謂之窮神知化。實則不足以開物成務。言爲無不周徧。實則外於倫理。嗟嗟。淺深非二水。體用非二物。精粗無二理也。易之爲書。言近而指遠。不知言何以知其指。通乎近則遠固在是。倘慕遠而失諸近。吾知兩失之而已。

世或外辭畫以求易。則此書爲贅。否則不易吾言矣。程子之論。眞爲學之大閑歟。易雅序。

聖人無惑。衆人未能克惑。聖人不欲以己意解人之惑。天生神物。以前民用。聖人託之。雖曰神道設教。非無是理。而矯誣斯世也。

有著道。道生於庖犧。有著用。用著於媯帝。而詳於箕疇。筮有職。大宗伯率之。揲有法。大傳明之。占有驗。左氏傳國語可考也。以上筮宗序。

論圖書

易有衍數。有積數。自五衍而爲五十者。衍數也。自一二三四五積而爲五十五者。積數也。圖書二數皆積數之儔。不可以與於揲著也。故合圖書之名而論二數。則自有妙理。強二數以圖書之名。則於經無據。

梓材謹案。四庫書目著錄周易輯六卷。易雅一卷。筮宗一卷。提要稱其於比應秉承之理。盈虛消長之機。皆有所發揮。又謂其推明大衍之數。頗爲明白。又存目易序叢書十卷。提要謂明人所雜編云。

西山家學

葉先生任道

葉任道。味道弟。文公弟子。儒林宗派。

附錄

朱子語類曰。謂任道弟讀大學云。須逐段讀教透。默自記得。使心口相應。古時無多書。人只是專心暗誦。且以竹簡寫之。尋常人如何辦得竹簡如此多。所以皆暗誦而後已。伏生亦只是口授尚書二十餘篇。黃霸就獄。夏侯勝授尚書於獄中。又豈得本子。只被他讀得透徹。後來著述諸公皆以名聞。漢之經學所以有用。

又曰。任道弟問。或問涵養又在致知之先。曰。涵養是合下在先。古人從小以敬涵養。父兄漸漸教之讀書識義理。今若說待涵養了方去理會致知。也無期限。須是兩下用功。也著涵養。也著致知。伊川多說敬。敬則此心不放。事事皆從此做去。

補 秘監葉平巖先生采

梓材謹案。四庫提要於近思錄云。其集解。則朱子歿後。葉采所補作。淳熙十二年。采官朝奉郎。監登聞鼓院。兼景巖府教授時。嘗齋進於朝。前有進表及自序。其序謂悉本朱子舊注。參以升堂記聞及諸儒辨論。有缺畧者。乃出臆說。又舉其大旨。著於各卷之下。凡閱三十年而後成云。

葉仲圭語

出入無時。莫知其鄉。常人之心也。寂然不動。感而遂通。聖人之心也。聖人之心。豈常人